

ليك في الرعب ؟!

"مقالات ساخرة لواقع مرعب"

آية سعد الدين

ساخر

الطبعة الثانية



دار اكتب للنشر والتوزيع

ليك في الرعب؟!

”مقالات ساخرة لواقع مرعب”

ليك في الرعب !؟

"مقالات ساخرة لواقع مرعب "

آية سعد الدين

تصميم الغلاف : محمد كامل

رقم الإيداع : ٢٠١٢/٤٩٥٦

I.S.B.N: ٩٧٨-٩٧٧-٤٨٨-١٣٨-٨

دار اكتب للنشر والتوزيع



الإدارة : ١٠ ش عبد الهادي الطحان من ش الشيخ منصور،

المرج الغربية، القاهرة .

المدير العام : يحيى هاشم

هاتف : ٠١١١٠٦٢٢١٠٣ - ٠١١٤٧٦٣٣٢٦٨

مكتبة اكتب : ٤٠ ش أحمد قاسم جودة من ش عباس العقاد ،

خلف سيراميك كليوباترا ، القاهرة .

هاتف : ٠١١١٤٣٢٨٥٢٥

E – mail : daroktob1@yahoo.com

Facebook : دار اكتب للنشر والتوزيع

الطبعة الثانية ، ٢٠١٢م

جميع الحقوق محفوظة ©

دار اكتب للنشر والتوزيع

الإله

إليك..

أنت وحرك..

لأنك تستحق

المقدمة

لن أتحدث كثيراً عن هذا الكتاب ولكنه أول تجربة في الكتابة العامة. أرجو أن أكون موفقة في كتابته. ولقد قمت في هذا الكتاب بكتابة عدة مقالات تسخر من واقعنا المرير الذي بدأ يتحكم فيه العامة والغوغاء فهو مقالات ساخرة لواقع مرعب كما قالها أستاذ "يحيى هاشم". أرجو أن تستفيق مصر قريباً من تلك الأزمة...

وجل من لا يخطئ تحيزاً أو تصوراً في عالم البشر.
آية سعد الدين

حييتك بك حرف من الحروف العربية
حييتك "ح" مجيده و "ص" صبيحة
وال "ز" راضية بك همومك معما كانت قوية

اكتشاف جديد في عالم الآثار



اكتشفنا اكتشاف جديد ومذهل في عالم الآثار.. شخصية تعود للعصر الحجري جاءت تطالب بالتغيير وفاكرة إنها الأولى اللي طالبت بيه وعاملة هيصة وزفة مع إنها بقي من العصر الحجري أصلاً!.. لا والمؤيدين ليها شكل ثاني بقي ماشين يهتفوا للتمثال الحجري الناطق. واللي يغيظك إهم محسني إن ده هو اللي هيقود مصر واللي هيفير حالها!

مع احترامي لكل مؤيدي الحجر الناطق مفيش حد عاش حياته كلها بره بلده ميعرفش عنها حاجة هيجي فجأة يحل مشاكلها هو مكنش بيدرس عشان مصر برة.. لا.. ده كان عايش حياة كاملة متكاملة برة. بعيد عننا.. عن عاداتنا.. عن تقاليدنا وعن مشاكلنا. ياريت نبص بعين العقل ونعرف إن الحل عمره ما هيجي من برّه لا ده لازم يجي من جوانا. ومن حد عمره ما فارق تراب الأرض دي. مش حد اكتشف إنه موجود فجأة زي الآثار وبيركب الموجة وخلاص. خلاصك يا مصر من جواكي وعمره ما كان من اللي شرد وسابك لهمومك وجاي ينهب خيرك دلوقت.

وما الدنيا بحالها تخون
والقاضي يبقى مسجون
والسجكاه قايم يلملم
منه أنضي ورد وبساتينه
يبقى يا خلق الظلم منيه؟

الأشكيف المخيف



الأشكيف.. حد فاكرا الأشكيف بتاع حكايات ألف ليلة
وليلة؟

من الواضح يا جماعة إننا رجعنا لعصر ألف ليلة وليلة تاني،
والأشكيف الجديد التيار الإسلامي.

كل اللي يشوفني يقولي التيار الإسلامي، واللي ممكن يعمل
في الكاتبات والكلام اللي كتبه.. وهيمنعوكي وهيهدروا
دمك. بيعسسوني إني مثلاً واحدة كفرت ولا الكلام بصراحة
حرام ولو خالفتيني الرأي تبقي كافرة وهما بقى ملايكة منزلين!
أحب أقول لكل من يخلق الأشكيف بإيده: متعملوش
الأشكيف وترجعوا تصوتوا منه.

حتى لو طغى التيار الإسلامي -اللي معظمه للأسف لا يمت
للإسلام بصلة- متخفوش منه ومتخافوش على عمركوا أوي..
محدث بيموت ناقص عمر. بس ممكن تموت ناقص دين. لو
شيطان أخرس وسكت عن الحق وخفت، وإذا كنت ثرت على
نظام فاسد وغيرته فأكيد مش هتجيب نظام أفسد وتعمله ببيع!

فیه حقنا؟!
نسکت ونرحل ونقول آمیه
لا ابدأ یا امی مش هتنتسی حقنا
اصحی یا امانا
اصحی
قبل ما نضیح کلنا

كان في مرة ثورة



تبتدي حدوتنا بمين اللي هياكل التورته؟

بالمبدأ ده شايفين كل اللي حوالينا مين منهم اللي هياكل التورته؟! كل مرشحي الرئاسة عاوزين يأكلوا التورته.

مرشحي مجلس الشعب عاوزين يأكلوا التورته.

وكله طمعان في التورته مع إن التورته اتاكلت من زمان!.. بس هما بقى بيدوروا ع لحس الفتايت اللي باقية بدل ما يعملوا تورته جديدة كبيرة ويقولوا للناس هي دي تورتنا. ومحدث هياكلها إحنا بنجملها عشان الناس بس تشوفها ونبقى كويسين لا بيحاولوا يأكلوا اللي باقي منها.

المجلس بيحاول يأكل الثورة...

الثورة بتكافح عشان تفضل موجودة في ظل الغباء السياسي.

مرشحي الرئاسة بيحاولوا يأكلوا المجلس العسكري ويوقعوا الدنيا عشان يفضوا لنفسهم مكان.

الإخوان بيحاولوا يأكلوا دماغ الشعب المصري باسم الترة الدينية.

أقباط مصر خايفين من طغيان الحكم الإسلامي عليكم
فبيقوموا بعمل أحزاب معارضة ضدهم.
تابعي النظام البائد بيولعوا ف كل دول عشان البلد تخرب
زيادة ويقولوا ولا يوم من أيامك يا مبارك.
وكله عاوز التورثة ويا عيني على الشعب الغلبان اللي كل
المقادير اتلخبطت في دماغه لا بقى عارف يطلع تورثة حلوة،
ولا عارف يلم الفتافيت. وبقى واقف يتفرج ويكي على اللبن
المسكوب قدامه ويقول: كان في مرة ثورة.

حبيبتى غنوتها خيطاه الحناه
شموسة صافية نورها ما ينطفئش
في حضنها بترتاح ونلقى الأمان
نعيشه حتى إه متنا ليها نعيشه

كتيبة الإعدام



كتيبة الإعدام رمز من رموز السينما المصرية. محدش ينكرها بس الفيلم ده كل ما أشوف اللقطة اللي كلهم جماعة واحدة بيقتلوا الخاين بحس على طول بإن ده اللي هيحصل مع أي واحد مصري لو عارض جماعة الإخوان والجماعة الإسلامية. رغم كوني مسلمة و أريد بشدة تطبيق الشريعة في الحكم والحياة بس مش عن طريق جماعة الإخوان اللي على مر العصور في علامات استفهام كثير جدًا حواليتهم. و اللي بيقولوا إن ملهمش دعوة بعمليات التصفية الجسدية وغيرها والتكفير وإهدار الدم أحب أقولهم روحوا كلموا طفل في ابتدائي لإن الجماعة وفكرة أمير الجماعة ميطرة على فكر التيار الإسلامي عامة من زمان. وروحوا شوفوا الملتحين في الكليات من جماعة الإخوان بيعاملوا الناس إزاي. اللي مش معاهم يبقى ضدهم، وكلمة أنت كافر اللي ممكن تخرج ف وشك في أي وقت. وكمات أما كانوا بيرسوا لنا الأخوات تكلمننا ويقولوا لنا مش عيب بتصلوا الفرض بفرضه وأنتم مش منتقبات ولو لقوا مفيش أمل منا إننا ننضم لهم يبدأوا ف أسلوب الاستقصاء وويحاولوا يأمرؤك بحاجات كأهم أنبياء مرسلين -مع احترامي لكل من يثق في الإخوان- أنتم بتهلكوا لأنهم لا ماشين بحق ربنا ولا

بيفكروا في مصلحة حد إلا مصلحتهم الشخصية وفي منهم
كثير واخذين الدين واجهة لتنفيذ أغراضه الدنيئة والحقيرة.
ياريت الكل يفوق ويطلقوا عاطفتهم الدينية اللي هتوديههم
في داهية لإن الإخوان يلعبوا على النقطة دي كويس. فياريت
ناخد بالناس قبل ما يهدر دمنا أو نتصفي جسدًا ولو مش
مصدقين أقروا تاريخ يمكن تتعظوا.

لأنك مصري
لو في يوم قلت لا
أو في يوم عيشت الحياة
يبق قوام لازم تموت

أنت ليبرالي .. يبقى أنت كافر



من منطلق إيه اللي جاب القلعة جنب البحر؟!.. نفسي
أسأل إيه علاقة الليبرالية بالكفر؟

تقول أنا ليبرالي من هنا وكأنك نطقت كلمة كفر. الليبرالية
حرام وأنت مسلم إزاي تعتنق الفكر ده!.. أنت و أنت....
كثير كده. وهو مثلاً اللي خد مبدأ الاشتراكية خده زي ما
هو؟!.. ولا طوعه حسب دينه!.. واللي خد أي فكر في الدنيا
مش بيطوعه حسب دينه ومعتقداته. ولا هو لو أنا مبقتش من
الإخوان المسلمين مبقاش مسلمة مثلاً؟!!

لقد سئمت غلاظه الفكر والكلام من غير ما الواحد يبقى
فاهم إنك تبقى ليبرالي لا يتعارض مع كونك مسلم. الليبرالية
هي الفكر الحر الغير متقيد بأي اتجاه من الاتجاهات.
ياريت الناس تفكر بعقلها قبل ما تفكر بلسانها. ومش
عشان أنا مش من الإخوان وليبرالية التفكير يبقى أنا كفارة.
التكفير حرام شرعاً أرجو أن يعقل البشر ليه بيكفروا الناس من
غير ما يفهموا!

ونسألهم ثاني: إيه اللي جاب القلعة جنب البحر?!

زما قالولنا الوحدة
هي اللي هتنجيك
دلوقتي قالوا الإخوان
هما اللي هيساعدوكوا
وكله ف الآخر
كذبة عاشعها الكذ

كدبة أبريل



زمان أيام عبد الناصر كانوا فاكرين الحل القومية العربية
وسعوا وراها المشوار وخذنا على قفانا كثير عشان خاطر
الوحدة دي. ومات منا ألوف في اليمن عشان القومية العربية.
ومات منا ألوف في كل مكان وكله من أجل القومية. وفي
الآخر طلعت كدبة أبريل ولا في قومية ولا بتنجان. وكل
العرب مستعدين يحاربوا للآخر جندي "مصري".

ودلوقت بقى النعمة اللي شغالة: الإخوان المسلمين هما
الحل، والسلفيين هما الإصلاح. مع العلم إنهم على مدار التاريخ
أسود بعد وفاة حسن البنا وتاريخهم آخذ في السواد أكثر
وأكثر. فياريت نعرف إنهم كمان كدبة أبريل وكدبة كبيرة
كمان لأن عمر ما صلاحنا هيبقى في أيدهم.. ناس خدوا مبدأ
الدم والتعصب اللي هو عكس الدين سبيل ليهم وبقوا هما اللي
بيحكموا ويأمروا وينهوا.

واللي يخلافهم أو يفكر بحرية يستحق التصفية الجسدية...
ياريت منعش في كدبة تاني عشان ميجوش ناس بعد عقد
من الزمن يقولنا هاهاها كانت كدبة أبريل ووقعوا فيها.

وتعوو أماتينا
نغرق ف بحر الخوف
وتتوه مراسينا

صديقتي إيما



صديقتي إيما..

أود أن أعتذر لك لتقصيري في حقك؛ فلقد كنت دومًا لي
الأمل والحياة.. كنت لي السند والحب ولكنني لم أك لك إلا
القسوة والظلم. الخراب والدمار.

صديقتي إيما.. لقد أصبحت بلطجي أضرب وأطعن وأقتل
بالرغم من كوني كنت حاميًا لك فيما مضى.
صديقتي إيما تقبلي اعتذاري لأن غرور السلطة أصابني
وجعلني أنسى عهدي لك بآلا يصيبك مكروه ما دمت أنا حي
أرزق.

صديقتي إيما

تقبلي اعتذاري واغفري لي لأنني الآن بين الأموات.

ما الكو يكو مجنوه

يا إما نكو

يا متكونش

قالوا عن الثورة



أوباما:

يجب أن نربي أبنائنا ليصبحوا كشباب مصر

رئيس النمسا:

شعب مصر أعظم شعوب الأرض

وزير الخارجية الألماني:

أتطلع إلى زيارة مصر والحديث مع قادة الثورة.

CNN:

لأول مرة نرى شعباً يقوم بثورة ثم ينظف الشوارع بعدها.

الجارديان:

الثورة أعادت الشعب المصري في الصميم الأخلاقي لهذا

العالم.

هيكل:

الشعب المصري أصبح أقوى من النظام نفسه.

رئيس أركان الجيش الإسرائيلي:
الأحداث في مصر تثبت أنه يتوجب علينا التواضع والحذر
في تقدير اتنا للعالم العربي.

رونالدو:
أتابع أخبار الثورة المصرية أكثر من أخبار برشلونة.

سيلفيو برلسكوني:
لا جديد في مصر فقد صنع المصريون التاريخ كالعادة.

ستولتنبرج رئيس وزراء النرويج:
اليوم كلنا مصريون.

هاينز فيشر رئيس النمسا:
شعب مصر أعظم شعوب الأرض و يستحق جائزة نوبل
للسلام.

وزير الخارجية الألماني فستر فيله:
أتطلع إلى زيارة مصر والحديث مع الذين قاموا بالثورة.

السفير الألماني بالقاهرة:

الثورة المصرية تشبه ثورة وحدة ألمانيا منذ ٢٠ عامًا.. فقد حافظت على كونها سلمية، خاصة بعد خطاب الرئيس مبارك الأخير الذي قال فيه إنه سيبقى في المنصب فاتخذ المتظاهرون رد فعل إيجابي واكتفوا برفع الأحذية تعبيراً عن الازدراء والاحتقار.

الكاتب البريطاني الشهير روبرت فيسك:

هب المصريون ونفضوا عنهم خوفهم وطرّدوا الرجل الذي يحبه الغرب يعتبره زعيماً معتدلاً، نعم ليست شعوب أوروبا الشرقية وحدها القادرة على مواجهة الوحشية وتحديها.

الهولندي مارك فوتا المدير الفني للإسماعيلي:

الثورة في عيون أوروبا تعبر عن رقي مصر، وتوضح أن الشعب أراد الحرية ولم يرتضِ دونها.

الروائي البرازيلي الشهير بولو كويلهو والملقب بساحر الصحراء: العالم يتحول للأفضل لأن هناك شعوباً تخاطر بأرواحها لجعله أفضل.

ويقول بعض المصريين: ثورة خربت البلد ومهدلتها.. ما كنا
عاشين وراضين وبنلاقي اللقمة.
والبعض يقول: لا إحنا لازم نفضل ثوار للأبد.
والبعض يقول: لمى سنظل تائهين؟!.. الغرب رأى روعتنا
ونحن ما زلنا نبين أسوء ما فينا!

لما تعيش الثروة حياة
وتنسى تخلي الثروة تعيش
يقي لا ثروة يوم راح تنجح
ولا يوم أنت عرفت تعيش

دروشة الثورة



عندما قامت ثورة ٢٥ يناير، وتفاجأ الكثيرون بالشباب المصري وبقدرته حدث ما لا يحمد عقباه.. لقد شعر الشباب لأول مرة بأنفسهم يجد ومش غلط إنك تحس بنفسك بس بقى في حالة أخرى وهي إنك تحس بنفسك بزيادة فيحصل حاجة من الاثنين: يا تتفر على الآخر لحد ما تطق، يا أما مخك يلسع وتصبح تشغل مهنة ثوري ماشي يثور ويعتصم يثور ويعتصم إلى ما لا نهاية. لدرجة أن بعض شباب الثورة تركوا أعمالهم وتركوا حياتهم واشتغلوا ثورة!.. طب متخلينا منطقين ونعيش ونباشر حياتنا ونتابع الثورة ونعمل أحزاب وكله بس مش نعيش ثورة وبس؛ لأنك عشان تثور لازم تكون بتعمل، بتجتهد، مش بتعترض لمجرد الاعتراض وتسب اللي يعارضك وتقول إنه فلول الكلمة اللي بقت علكة في فم كل من أتاه الله ملكة الكلام هداكم الله يا شباب الثورة لإن يجد مش محتاجة تفرقة وصراع أكثر من كدة ولا محتاجة شباب تعيش حالة من دروشة الثورة.

ههك لا ادري مه انا وما اكو
فقط اذكرك كوني جزء منك
و جزء مني بك مفتوه

القلب فيه سم قاتل



الحب بمفهومه الجديد: نتصاحب شوية، نكلم بعض موبايلات، نعمل ريليشون شيب على الفيسبوك.. نخرج سوا شوية.. نزهق من بعض.. ننفضل! والله بقى لو انتهت بخناقة تلاقي كل واحد وواحدة من دول فاتح صوته على الثاني وهاتك يا معايرة حاجة كدة بقت متخلفة، الواحد فقد الأمل إنه يلاقي راجل محترم أو بنت كويسة مع بعض. تحس إن في وباء أصاب موطن الحب عند البشر ولو بقى لقيت ناس ولاد حلال وقلبهم أبيض كده ويحبوا يجد تلاقي الموضوع قلب معاهم دراما كوري من اللي بتقطع القلب دي وحاجة كده تخلي الواحد يحس إن القلب بقى فيه سم قاتل زي الزجاجة بتاعت أحمد إبراهيم القاطن بدير النحاس كده. وتسأل أي حد يقولك "حب لا"؛ كأنك بتقولهم اشرب ويسكي!

أصبحنا في وقت لا يحترم الحب والقلب داخل جسم الإنسان عضو مهم لا أهمية له. والقلب كالوطن؛ إذا هجرته زاد جفاءه. كفانا استخفاف بالقلب وكفانا هجراناً فالقلب يحتاج أن يشعر. يحب.. يتغذى. وسأرفع شعار ذكرته لي يوماً أعز صديقاتي علامة على عدم استسلامها بوجود أشخاص أسوياء فقالت: "غداً سأقع في الحب".

ليتنا نؤمن جميعنا أننا غدا سنقع في الحب.. حب الله، حب
الحبيب.. حب الصديق.. حب الوطن.. فالقلب ليس موطن
الوباء ولكنه العقل.

بيلي مه حسرتي
صديقي باحني وقت شدتي
ثمني رخصه والكل جرحني
زمان كنت سلاح عقلهم
ودلوقت خزنة مال جنبهم
وعجبي

إديني عقلك وخده تاني



في يوم من الأيام كده قاعدة في حالي في مكتي كلمني في التليفون عميل.

قالي: سلام عليكم.

قلته: وعليكم السلام.

قالي إنتم دار نشر "...".

قلته: آه يا فندم اتفضل.

قالي: طب انتوا بتنشروا إيه بقي؟

قلته: معلش يعني إيه بتنشر إيه؟

قالي: يعني إيه نوع الكتب اللي بتنشروها أصلي بألف على حسب الطلب.

قلته: نعم؟

قالي: آه أصل الموضوع ده مريح أوي. أنا أشوف الناشر عاوز إيه والسوق بيعع إيه وأكتب.

أنا بقي أصابني حالة اذهلال وتنحت شوية على السماعه وبعدين قلته: يعني حضرتك بتكتب للتربيع مش أكثر مش موضوع موهبة؟

قالي: لااااااا طبعاً عندي موهبة مين قال معنديش أمال أنا
بكسب إزاي!

قلته: يعني حولت قلمك من موهبة لأداة تباع بيها!
قالي: يا ستي مهو كله بيع هتيجي على الكلام ده!..
الكلام أسهل حاجة بتتباع لعملك.

قلته: آه طب أشكرك جداً يا فندم ورحت قافلة الخط.
وده كان أول نموذج متعفن أشوفه في حياتي لشخصية
كاتب!.. طب ادوني عقلكم كده ومتخفوش هرجعهلكم
تاني.. أما أنا أشتغل كاتب عشان أخذ فلوس بدل ما أنور
عقول الناس بكلامي وأفهمهم وأمتعهم بكلمتي!

لكن هقول إيه!.. هقول الله يرحمك يا يوسف يا سباعي،
ويا طه يا حسين، ويا عباس محمود العقاد لإن جت أجيال
بعدكم بتاجر بالكلمة اللي إنتوا زمان حاربتموا عشان تكتبوها
وعشان توصل لعقول الناس المعلومة الصبح دلوقت بقت الكلمة
بتكتب حسب الكيف مش بالزمة إحنا بقينا في زمن ممسوخ
ومعظم اللي فيه مسوخ.. قالك معاك قلم = إنسان زمان؛
دلوقت معاك قلم = يبقى استغله تكسب قرشين طالما تقدر على
ده.

لكل خائني القلم: تبا لكم، ولكم كثير احتقاراتي.

قالولنا زمان بنخاف
م الجاه والعفاريه
بس زمان غير دلوقت
الرجب بقي ليه حواديت

ليك في الرعب؟!



زمان كان الواحد من دول يقولك ليك في الرعب؟.. إذا قتلته آه؛ يكلمك عن مصاصين الدماء، والمذؤبين، والجن، والنفاريت.. والمثقفين منهم يكلموك عن ستيفين كينج وأن رايس. من قريب لو حد سألك ليك في الرعب ولو قتلته آه؛ يتندي يكلمك عن المعتقلات والتعذيب واللي بيحصل في العراق وغيره. دلوقتي بقى اللي يقولك ليك في الرعب؟ يبقى يومك مش باين له ملامح لأنه هيكلمك عن الرعب من البلطجية، والسفاحين، ومن الثورة، ومن المجلس العسكري، والمحاكمات العسكرية، ومن النظام لو متسجنش هيخرجوا يقتلوا فينا زي الفراخ ومن الشعوب العربية شفتهم عملوا إيه في حكاهم وإنك لو خايف على نفسك متزلش يوم الانتخابات بتاعت مجلس الشعب. ولو خايف على نفسك أكثر متطالبش بانتخابات لتحصل مجزرة.

عفوًا لكم أيها الفئران المذعورة التي عشقت الاختباء في المجاري سأذهب للانتخابات، سأدلي بصوتي، سأقول لا وسأتي يومًا ما أقول لكم: "ليكم في الرعب".

هتقولولي: آه...

هقولكم: حاولوا تخرجوا بره شرنقتكم عشان تبطلوا رعب.

أنا أخطيئ
أصبر الروح
وأصبر قلب
وأعيش في ظل من الأبرار



مصطلح الـ إع لاميين هو فعلاً معبر جداً عن الصحافة والتلفزيون في مصر لأنه مكون من مقطعين مهمين جداً أولهم: المقطع "إع": وهو ما يعبر عن مدى استياء الشعب من كمية النفاق والتضليل و القذارة الصحفية والمرئية. والجزء الثاني: "لاميين" لأنه فعلاً بقت بتلم أي حد ملوش في أي حاجة بيتكلم و خلاص.

والمصيبة إن له حرية التعبير.. إحنا بلد ديمقراطي بقى.. يعني إيه إعلام حر. إنك تكون تغطية جيدة للحاكم.. تصفق بشدة وتقول إننا بلد ديمقراطي وحاكمنا ديمقراطي كبير جداً. ولما يسقط الحاكم يقولوا "وسقط الطاغية" وإحنا كان بيضغط علينا. وأما تيجي تحصل مصيبة حاليًا يغطوا على الحاكم الجديد ويستمر مسلسل التعتيم الإعلامي، والجهل الصحفي والأهم من ده كله نظام التحسيس على الحاكم عشان ميتحطوش في البلاك ليست.

لقد أثبت الإعلام المصري إنه يستحق بجدارة لقب المنافق الأكبر، أو الخاسر الأكبر؛ لأنه فقد احترام المصريين له بعد كل مقلب إعلامي وتضليل عمله في حق الشعب. بحق كل يوم

قضيته في الثورة وهما ينقلوا أخبار مش حقيقة.. أحب
أقولهم: عفواً لقد نفذ رصيدكم.

قلنا شعاع مه نور
بدد ظلام نفوسنا
طلع الشعاع مكسور
جرح مرایان وشوشنا

ثورة اختفت وثورة تموت



مقدمة لابد منها للتذكرة

ثورة يوليو قام بها ضباط جيش مصريين ضد الحكم الملكي في ٢٣ يوليو ١٩٥٢ وعرف في البداية بالحركة المباركة، ثم أطلق عليها البعض فيما بعد لفظ ثورة ٢٣ يوليو.

بعد حرب ١٩٤٨ وضياح فلسطين ظهر تنظيم الضباط الأحرار في الجيش المصري بزعامة اللواء محمد نجيب، وفي ٢٣ يوليو ١٩٥٢ قام التنظيم بانقلاب مسلح نجح في السيطرة على الأمور، والسيطرة على المرافق الحيوية في البلاد وأذاع البيان الأول للثورة بصوت أنور السادات وأجبرت الحركة الملك فاروق التنازل عن العرش لولي عهده الأمير أحمد فؤاد، ومغادرة البلاد في ٢٦ يوليو ١٩٥٢.

وشكل مجلس وصاية على العرش ولكن إدارة الأمور كانت في يد مجلس قيادة الثورة المشكل من ١٣ ضابط برئاسة محمد نجيب كانوا هم قيادة تنظيم الضباط الأحرار ثم ألغيت الملكية، وأعلنت الجمهورية في ١٨ يونيو ١٩٥٣.

ظاهريا كان قائد الحركة التي سميت فيما بعد بالثورة هو اللواء محمد نجيب. والواقع أنه تم اختياره -من قبل الضباط

الأحرار- كواجهة للثورة إبان ليلة ٢٣ يوليو وذلك لسنه الكبير وسمعته الحسنة في الجيش. لكن صراعاً على السلطة نشأ بينه وبين جمال عبد الناصر -وهذا موضوع خلاف أيهما على حق- استطاع جمال أن يحسمه إلى صفه في النهاية وحدد إقامة محمد نجيب في قصر زينب الوكيل حرم مصطفى باشا النحاس بضاحية المرج شرق القاهرة لحين وفاته. تولى جمال عبد الناصر بعد ذلك حكم مصر من ١٩٥٤ حتى وفاته عام ١٩٧٠ واستمد شرعية حكمه من ثورة يوليو.

وقد قامت الثورة على مبادئ ستة كانت هي عماد سياسة الثورة وهي:

١. القضاء على الإقطاع.
 ٢. القضاء على الاستعمار.
 ٣. القضاء على سيطرة رأس المال على الحكم.
 ٤. إقامة حياة ديمقراطية سليمة.
 ٥. إقامة جيش وطني قوي.
 ٦. إقامة عدالة اجتماعية.
- وقد تكون مجلس قيادة الثورة من عدة أعضاء هم:
- جمال عبد الناصر.
 - عبد الحكيم عامر.
 - يوسف صديق.

- حسين الشافعي.
- صلاح سالم.
- جمال سالم.
- خالد محي الدين.
- زكريا محي الدين.
- كمال الدين حسين.
- عبد اللطيف البغدادي.
- عبد المنعم أمين.
- محمد أنور السادات.
- جمال حماد.

والجدير بالذكر هنا أن لا أحد يستطيع نكران فضل ثورة يوليو أبدًا ولكن!

هناك العديد من الأخطاء على مر التاريخ علقت بعقول البشر وألستهم فأولاً:

ثورة يوليو ما هو إلا مسمي وهمي لانقلاب عسكري من الجيش ضد الملك لما رأوه فيه من فساد وقضايا حرب ١٩٤٨ م ثانيًا:

لقد قامت الثورة من أجل القضاء على الإقطاع والاستعمار والقضاء على الرأسمالية وسيطرتها وإقامة حياة ديمقراطية وجيش وطني وعدالة اجتماعية.

لكم كانت تلك المبادئ عادلة حين نادى بها الضباط
الأحرار الذين أبوا أن يتركوا مصر للعابثين

١- فقضى "جمال عبد الناصر" بمساعدة المجلس على
الإقطاع؛ فأعطى الفلاح حقه ولكن.. بنحس آخرين حقوقهم
الشرعية حين حجز على ممتلكاتهم الشرعية.

٢- قضى على الاستعمار الإنجليزي ولكنه نادى بالقومية
العربية ووثق بمن لا يثق بهم أحد فوق بنكسة ١٩٦٧.

٣- قضى على الرأسمالية؛ فقام المصريين باستخدام
الاشتراكية استخدام سفيه.

٤- أقام حياة ديمقراطية؛ لكنه طرق بيد من حديد على كل
من حاول أن يزعزع أمن مصر. وللأسف وثق بقائد
مخابرات.. جعل المعتقلات تمتلئ حتى آخرها والتهمة "خيانة
وطن".

٥- إقامة جيش وطني؛ فقام جيش وطني ولائه لعبد الحكيم
عامر ولقد استغل عامر هذا الأمر جيدًا وهذا خطأ آخر من
أخطاء عبد الناصر.

٦- إقامة عدالة اجتماعية.

نستطيع هنا أن نقول أن الأهداف تحققت حتى وإن حدث
بها شوائب فقد ضم مجلس قيادة الثورة أسماء بارزة تجعل من

كل فرد بما شخص ذا شأن ولكن لننظر ماذا حدث بعد الثورة
أيضاً للمجلس نفسه:

١. عبد الناصر أصبح رئيساً للجمهورية نادى بالقومية
ومات وهو مؤمن بأن لن ينصرنا إلا وحدتنا.

٢. عبد الحكيم عامر نائب لأول رئيس ووزير حرية
مصري قاد مصر لنكسة!

٣. يوسف صديق رجع للظل كما ينبغي أن يفعل العقلاء
حينها فهو قد أدى واجبه وحين عارضه الجميع واتهموه بأشياء
كثيرة وكما يحدث للعظماء دفع ثمن ولاته لمصر.

٤. حسين الشافعي عين في فترة نائب أول لعبد الناصر
وتولى رئاسة محكمة الثورة التي حاكمت الضباط الذين انضموا
للتمرد الذي قام به عبد الحكيم عامر بعد النكسة.

٥. صلاح سالم رغم لسانه اللاذع ورعوثته إلا أنه لم يك
يخشى في الحق لومه لائم.

٦. محمد أنور السادات.. من ركب الموجه كي يصبح
شيء فقط لكي يصبح شيء.. حتى انتصاره في حرب ٧٣ ما
كانت خالصة منه تماماً وإنما بتجهيزات من قبله أيضاً.

ومر زمن على الثورة حققت فيه الكثير ومر فيه الكثير على
مصر حتى جاء يومنا هذا فضاعت أهداف الانقلاب.. ضاعت
مصر لأننا أصبحنا مفكرين داخلياً وليس خارجياً فقط.
فلقد هزمنا يوماً لاعتقاد عبد الناصر بالقومية فجاء السادات
وباع كل شيء.. ليأتي مبارك بعصر حجري في آخر ١٥ سنة
من حكمة وأصبح الوضع سخيلاً
ونحن الآن نقاتل بعضنا البعض كالأعداء وكل منا يعتقد أنه
على صواب.

يا من تساند الائتلافيون.. الإخوان.. مبارك.. يا من تساند
الجن الأحمر في جحوره.. دع مصر أولاً. فالفرق بيننا وبين
الانقلاب العسكري أن عبد الناصر أسس جمهورية تأبى
الرضوخ وأنتم تأسسون جمهورية تسير إلى الزوال!
فلتعتبروا لعلكم تفلحون...

ولتفكروا بعقل فليس لنا هدف إلا أن تصبح مصر كما
أردناها يوماً. فلا تضيعوا حقكم الآن كما ضاعت أهداف
انقلاب ٢٣ يوليو.

لو يوم فكرت تقل ف نظر الناس

تناهي الرأس

تبوس الأيد و المدا

تبقى وصلت طريقك صلا

متسناش



مع احترامي لكل دور النشر ولكن من تعاملني مع الغير في دور النشر وجدت هذا ولكن لا تستعجبوا إنه فقط فكر لبعض الناس فلتسمحوا لي بعرضه:

إزاي تبقى ناشر ديلفري في ٦ خطوات؟

ولعلمك الناشر الديلفري له مميزات كثيرة أولهم إنك هتكسب كثير طبعاً، ده غير إنك هتعرف تلقط رزقك من هنا مرة ومن هناك مرتين وكده يعني المهم يا سيدي خطواتك نحو القمة

١- دور على مشروع دار نشر بس متكونش حائط في دماغك إنك هتنشر الجيد والكلام الفارغ ده.. ده بقى مبياكلش عيش خلاص إنت تدور على مشروع تقبل فيه كل الناس الواطية واللي مبيعرفوش يكتبوا وتنشرهم كتبهم وياه بقى لو دورت على الناس اللي بتكتب مواضيع سخنة هتكسب كثير كثير يعني.

٢- إعمل إعلان عن دار النشر بتاعتك في كل مكان واستقبل الطلبات بقى من الكتاب اللي يسووا فاكرين إنك محترم وهتنجز لهم شغلهم والمش محترمين واللي عاوزين

مصلحتهم تقضى وخلاص وفي الآخر المحترمين هيسبيوك..
متحطش في بالك يغوروا ياعم!.. هما ليهم لازمه!... بلا وجع
دماغ خليك مع اللي هيظبطوك بجد.

٣- روح لحد الكاتب إنشاله بيته، وإنزل زن وإفضل ماشي
وراه ومعاها. ولو بيعجب يعمل دماغ شاركة مش عيب كله من
أجل المصلحة العامة يا راجل.

٤- كل كاتبة تخش عندك إعزمها على أكلة سمك يااه
هتكسب كثير مادياً ومعنوياً خصوصاً لو طلعت هي بتحب
السمك زيك كده هتفاهموا على طول، وفي ناس كثير بتحب
السمك ومعندهاش أي مشكلة يعني ناشر جوه وبره.

٥- أنشر الكتاب وإعمل عليه فرح وقول إنك أحسن حد
بيطبع في مصر وإنك مش ملاحق من المبيعات والناس عندك
زي الرز بتتهافت على كتبك وإن دارك من كتر الشغل
مكسرة الدنيا.

٦- أهم حاجة لو بتعامل مع دور نشر تانية، خف رجلك
ورحلهم كل فترة زيارة دليفري وأهو مصلحة لو لقيت عندهم
عامل كده ولا كده شغله جديد ارميله عضمه وهو لو كلب
هيجري وراك متقلقش فتكسب عمال جديدة.

وبكده بقى بـ ٦ خطوات فتحت دار نشر وعملت مزاج
وكسبت فلوس وحققت شهرة وبقيت حقير في عيون اللي
يعرفوك. مبروك ليك بقيت ناشر دليفري.. ماشي ورا الكاتب
زي ضله، وورا الكاتبات برضه؛ مهو كله مصلحة ورايح جاي
طول عمره. لحد ما يجي الوقت وتعرف فيه إنك أحقر حد في
الدنيا والناس كلها هتدوس عليك.

قال أنا سلفي
بعيش ع السنة
طلع إيهالي
بسلا ح يحكمنا

السلف تلف والرد إرهاب



ظاهرة مصرية جديدة أو قديمة لا يهم ولكنها آخذة في
البروغ السلفية تلاقي الواحد بعزم ما فيه يقولك أنا سلفي
وحافظ كتاب الله، وأنت كافر ويا تعمل اللي هقولك عليه يا
نهدر دمك على أساس إننا في شيكاغو ودول عصابات النيجر
بقى.

طب يا عم السلفي.. أنت استحالة تبقى سلفي عارف ليه؟
أقولك أنا:

السلفية ديه من السلف الصالح اللي هو أنت مش منهم
أكيد بأخلاقك دي؛ لأن سلف الرسول عليه الصلاة والسلام
عمرهم ما كانوا غليظين ولا شغالين قتل في خلق الله ويهدروا
دمهم كده.

هتقولي أنت سلفي هقولك أنت تلفي وإرهابي أنا حرة زبي
زيكم وده ردي عليكم.

بالنسبة للأخ البطل اللي استقبلوه استقبال الأبطال عبود
الزمر كأنه قتل الوحش في الأسطورة وهو أصلًا بني آدم
مفهوش صفة الآدمية، وللأخ بتاع التفجيرات اللي بتقوله عنه

شهيد وخالد الإسلامبولي ولكل اللي شغالين في إهدار دم
الناس بصوا لنفسكوا أنتوا أكثر ناس المفروض يهدر دمها.
ودي مش تعاليم الإسلام لأنه الدم كله سواء حرام بأمر
الله.

يعني أنتوا بتتلفوا كل حاجة من تعاليم الإسلام واللي
يقولكوا لا تصفوه جسدًا زي السادات وخلافه.. إرهاب..
تلف.. حمقى ولكن لستوا سلفيين فالسلف برئ منكم ليوم
معلوم وهقول لآخر يوم من عمري إن السلف الحالي تلف
والرد إرهاب.

حررتي ديه في رقبتى
خلعته ومشيت مع خيره
لاه يوم ما لبسته
لقت ألاف يقولوا ده وهم
ليه تعيش في ليله

الحرية كما يعتقدونها البعض



الحرية الآن أصبحت حرية لسان، حرية فكر، حرية مبادئ
لكن في ناس معتبره الحرية دي كانت واحدة صاحبتهم تايهه
من زمان وأما رجعت بدل ما يستقبلوها لا يبدلوها.

تسأل الواحد من دول.. إنت ليه ماشي تزعق كده وتشتم
في كل حد؟.. يقولي: أنا حرا!.. مكبوت بقالي كتير سبونا
نعيش بقي.

تيجي تتكلم مع حد تلاقيه يقولك: فلان ده فلول، وفلان
ده كمان، وفلان بقي عاوز يعتصم في ميدان عام وكلهم ولاد
تبييت.

رغم إن فيهم ناس محترمين جدًا!.. فأقوله: بس فلان ده
محترم.

يقولي: بس أنت مبتفهميش أنا عارف بقول إيه.
وكان نازل من بطن ماماها بيقول سياسة فأقوله: أنت مين
إداك الحق إنك تحجر على رأيي؟

يقولي: دي حرية شخصية!
معلومة مهمة: حريتك الشخصية تتوقف عند حدود حرية
الآخرين بس أنت بتقول مين!

آه وكمان بقى الحرية في اللبس "سوري" أقصد الحرية في
القلع!.. تلاقى البني آدمه ما شاء الله مش متغطي فيها قد ما هو
عريان وتقولك دي حرية!.. واللي يبصلي أو يعاكسني ده بني
آدم متخلف ومش متمدن على أساس إنها ماشية على الشط
مثلاً!

لا وعارفين الحرية في إيه كمان؟.. سواقين الميكروباص بقوا
يشربوا سجائر جواها بانجو وحشيش ومعاهم الركاب في
الميكروباص!.. فتلاقى الركاب بقى نازلين عاملين دماغ ومش
مهم معاهم أطفال ولا مش معاهم هما أحرار بقى.
وظهرت حرية التدين، تمشي تلاقى ملايات سودا ماشية
وجلاليب قصيرة وذقون وعلى وشهم غضب ربنا.. تيجي
تقولهم إن الدين سماحة يقولوك أعوذ بالله عاوزنا نمشي فزور
ونتمايص إنتوا معندكوش حياء ولا دين وموشح أندلسي في
تكفيرنا، وطبعاً هم أحرار لكن إحنا لا 😊

مش هتتحر بلدي
م دام خوفي وضعف سجاتي
ما تتحر بصيرتي
هتتحر ارضي ومدينتي
وارجع الاقي عنواني

البحث عن مدينة إيجار جديد



في سابقة جديدة لم يعهدها البشر أو حتى غير البشر
جاءنا البيان التالي:

"قرر وزراء خارجية الاتحاد الأوروبي بالإجماع اليوم الثلاثاء مشروع قرار ينص على أن تكون مدينة القدس عاصمة لكل من إسرائيل والدولة الفلسطينية المستقبلية، وذلك على الرغم من إسقاط فكرة تدعيم بشكل صريح قيام عاصمة فلسطينية في الجزء الشرقي من المدينة المقدسة. ووافق وزراء الدول الـ ٢٧ الأعضاء في الاتحاد خلال اجتماعهم لليوم الثاني في العاصمة البلجيكية بروكسل، على ضرورة أن تكون القدس العاصمة المستقبلية لدولتين في إطار تسوية يتم التفاوض بشأنها بين طرفي النزاع".

القدس عاصمة للدولتين!.. نعم إنه سبق لم يسبقنا إليه بشر
أو جان!

يجب أن نهني أنفسنا لأننا أول من سيوافق أن تصبح مدينة
عاصمة لدولتين!

ألا يكفي أن إسرائيل نهبت وسلبت فلسطين من أبنائها..
لا.. لا يكفي حتى قدسنا الشريف

فلحوا أن يجعلوه عاصمة لدولتهم الحقيرة التي تقوم على
سلب البشر حياتهم وشرفهم!
أين عقول البشر؟!

وكيف تصبح مدينة عاصمة لدولتين؟
لا أعلم حقاً هل أنا أحلم أم ماذا!
أم أنه قانون الإيجار الجديد من فعل هذا!
نعم إنه هو قانون الإيجار الجديد
"قم بتأجير أرضي مدى الحياة وأقتل وأهبط وأنا أكتفي
بالذل قوت يومي"
هذا هو القانون الجديد

ولذلك أعلن عن رغبتني في تأجير مدينة إيجار جديد
بحيث تكون عاصمة لي ولجارى المغتصب
حيث أن جارى ضاقت به أرضي فقرّر مشاركتي منزلي
أيضاً!

وأنتم تعرفون كم هذا الجار مضطهد أحرقوه في أفران
بالملايين وشردوه خارج أوطانه.
كما أنه من كثرة طبيته حكم عليه بالشتات وظل تائهاً
أربعين عاماً ولم يتظلم!

يا لك من مسكين أيها الجار التعيس.
كم رق قلبي لحال الجار الحقير سارق البلاد والشرف.

لقد فقررت أن أبحث عن قطعة أرض جديدة أو مدينة
جديدة أشاركه بها

فما زال هناك الكثير من أراضينا لم تضيع بعد.
من يجد مدينة بإيجار جديد يبلغني حيث أنني سأشتري فوراً
من أرض السفهاء

فما زال الجميع يقتطع من أراضينا ونحن نوافق على السلام.
فنحن المسالمون دائماً حتى المهانة، ونحن الطائعين حتى فقدان
الشرف

هلم لأخذ العزاء في أرضنا وشرفنا...
فما تبقى شيء آخر لنخسره. ولا عزاء للرجال.

مصدر يا خدوتہ منتتہیش
کفایہ وجہ مبقنش قادر اہیش
لا ساییاتی فی حالہ
ولا حالہ ناضی بیکہ یعیش

يبقى أنت أكيد في مصر



- لما تلاقي كل الناس بتتكلم في السياسة دون انقطاع يبقى أنت أكيد في مصر.
- لما تلاقي الناس بتعتنق مذاهب والسلام يبقى أنت أكيد برضة في مصر.
- لما تسأل حد عن مكان وهو ميعرفهوش يقوم متوهك زيادة عشان ميعترفش إنه مش عارف يبقى أنت أكيد في مصر.
- لما تلاقي الشباب بقوا ثوريين والبنات بقوا بلطجية يبقى أنت أكيد في مصر.
- لما الدنيا تكون بتولع ويقوم الإعلام مكتم على الموضوع لا ويوقع الناس في بعضها عشان يغطي الحاكم يبقى أنت استحاله تكون في مكان غير في مصر.
- لما الثورة تقوم و ١٠٠ كاتب يطلعوا كتاب عن الثورة أهيف ما يكون يبقى أنت أكيد في مصر.
- لما الثورة تقوم عشان ظالم يمشي ويحي بداله حمار يبقى أنت أكيد في مصر.
- لما الانتخابات يتحدد معادها ويحظروا الناس إنها تنزل الانتخابات يبقى أنت أكيد في مصر.

- لما تشوف بنت لابسه محرمة "إسدال" ونقاب وواقفة مع شباب وضحكتها بتوصل للشارع الثاني يبقى أنت أكيد في مصر.

- لما تلاقي كل بوتيك أو محل حاطط سماعات ستريو ومشغلها على أعلى مستوى كأنه عايش في صحرا يبقى أنت أكيد في مصر.

- لما تلاقي عربية ماشية عكس فوق كوبري يبقى أنت أكيد في مصر.

- لما تشوف ناس بتنداس وتتقتل قدامك وتقول ده فوتوشوب يبقى أنت أكيد بتكلم حمار من مصر.

وإن مصر بلد المعجزات فلتأتوا لزيارتنا تجددوا ما يسركم.

ليه يا حبيبتي كل حاجه بتبكي فيك
هو نصر ولا قهر ولا ألف لعبوا بيك
بسك يوم هيجي غدير
ونفوت كل اللي باليك

يعني إيه مصر الجديدة "مصر"



بعد الثورة؟

- يعني ارفع رأسك فوق أنت مصري.
- يعني الجيش والشعب إيد واحدة "بس الأيد ممكن تلطشني بالقلم عادي".
- يعني مسلم ومسيحي يعني مصري "بس لازم نعمل فتنة ونضرب بعض".
- يعني حزب الوفد مستقبل له تاريخ "ميعرفوش إن التاريخ بيعيد نفسه".
- يعني الشرطة ف خدمة الشعب "عشان تطفح أهله اللقمة".
- يعني الشعب في خدمة الوطن "بس لو خدتم نفسه ياخذ بالجزمة".
- يعني مصر اليوم في عيد "بس أوعى الفحت لتقع تحت".
- يعني كل الشباب تقول ثورة ثورة حتى النصر "لحد ما نصر قرب يغير اسمه عشان مافيش فائدة".
- يعني تمشي في الشارع متلاقيش اللي يملك.
- يعني السرقة بقت عيني عينك والبلطجة في عز الضهر.

- يعني شباب شغال اعتصامات لحد ما ميدان التحرير قرر يقوم بثورة لتحرير نفسه.
- يعني خيم تنصب قدام ماسبيرو للطبخ و التسلية.
- يعني نقول حكومة انتقالية هنتقل إحنا لرحمة الله الأول قبل ما هي تنتقل.
- يعني نقول دستور يقوموا يرقعوه على أساس إن القطع مش هيبان.
- يعني ١٨ يوم ثورة في الشارع وفي الآخر رجعت ربما لعادتها القديمة.
- مصر الجديدة هي مصر القديمة بس شالوا ألدو و جابوا شاهين.
- وأهم حاجة إن مصر الجديدة ده أهم حي من أحياء مصر ☺ وشوارعها.

قالوا مشه راجل
قالوا مشه بنت
قالوا مسخ ماله خلقه
قلت مه عند ربي
والله مه عند ربي نعمة

جنس ثالث



إيه هو الجنس الثالث:

هو جنس يجمع ما بين الرجل والمرأة لظروف خلقه من عند ربنا.

بس اتفرجوا بقى على معاملة الشخصية دي أما حد يكتشفها

يا يفضلوا يسخروا منها

يا يعاملوه كأنه شاذ

كأن ملوش مشاعر

ملوش إحساس

وناس كتير تقول حرام يحول جنسه

وناس تقول لا حلال

وناس تقول تبديل الخلقة حرام

يا جدعان طب أنا راجل في جسم بنت

أو بنت في جسم راجل

قولوا له حل يعيش بيه

بدل منتوا نازلين كلام كلام كلام

وف الآخر

السكوت من ذهب

في زعم السكّات
كل العمر مدى وفات
وبقينا نبيح الهوى
فنلاق الشرف مات

"قصصات" أزمة شرف



هل أصبح هناك أزمة شرف تلك الأيام وهل أصبح من الطبيعي أن يكون الإنسان بلا شرف ولا مبادئ!.. أسأل نفسي مرارًا وتكرارًا.
أين الشرف في هذا الزمن؟! فلقد أصبح الإنسان بلا شرف، بلا أخلاق، بلا مبادئ.
ولننظر لأزمات الشرف المتعددة حولنا لتلك القصصات ولنرى أين الشرف؟!

القصة الأولى

رجل يبيع ضميرة من أجل مصلحة ويظلم الفقراء لكي يرضي الأغنياء الذي تربى بينهم "أزمة شرف"!

القصة الثانية

كاتبة تباع الهوى في دروب الهوى من أجل اللذة والغطاء الشرعي صداقة "أزمة شرف"!

القصة الثالثة

كاتب يغتال الأشخاص بقلمه ذي النصل الحاد كالسيف بالزور من أجل الفرقة الإعلامية "أزمة شرف"!

القصة الرابعة

مستول أمن حرس إحدى الجامعات أكبر ديلر مخدرات في
الجامعة "أزمة شرف" !

القصة الخامسة

طبيب يسرق أعضاء من مريض أثناء إحدى العمليات كما
لو أن الجسد الذي أمامه من مشرحة زينهم " أزمة شرف" !

القصة السادسة

رجل يخون زوجته مع هذه وتلك و المبرر "رغبة" " أزمة
شرف" !

القصة السابعة

إعلامي ينحني أمام الجميع ويقبل الأيدي من أجل المناصب
وإعلاميين يزيفون الحقائق كما فعلوا مع النظام السابق " أزمة
شرف" !

القصة الثامنة

تسرق متنا أراضينا ونحن صامتين " أزمة شرف" !

القصة التاسعة

ترك أطفالنا وفتياتنا يخرجون للشوارع شبه عراة ونصبح
بأعلى الأصوات نحن متفتحون " أزمة شرف" !

القصاصه العاشرة

مصادقة أشخاص تأمن لهم ولكن عندما يختلفوا معك
يقوموا بتشويه صورتك والذم فيك بل ويتهموك في شرفك "
أزمة شرف "!

قصاصات وقصاصات لن تنتهي فهناك الألوف من أزمات
الشرف

فلتنظر لنفسك ولينظر كل منا لنفسه لنرى أين أزمات
الشرف بنا

وإذا بدأ كل منا بنفسه .

يوماً ما سنعود أمة ذات شرف ،ونعيد لقباً فقدناه منذ زمن
وهو الشرفاء.

الكاتبة في سطور

- الاسم : أية سعد الدين سيد إبراهيم
- المؤهل : ليسانس آداب / قسم الآثار الإسلامية / جامعه عين شمس / ٢٠٠٩
- حاصلة علي دورة تنمية مهارات البحث في مصادر المعرفة من دار الكتب والوثائق القومية بالتعاون مع مؤسسة فورد
- الفائزة بالمركز الأول علي مستوى الدورة
- صحفية سابقة بجريدة أسرار الغد
- باحثة في مجله المقتطف المصري
- الشؤون الإدارية بدار اكتب للنشر والتوزيع
- حائزه علي المركز الثالث في كتابه القصة القصيرة علي مستوى كليه الآداب ٢٠٠٦/٢٠٠٧
- قائدة السكرتارية عشيرة جواله كلية الآداب جامعة عين شمس ٢٠٠٩

صدر للكاتبة : نصف أنثى عن وار الكتاب ٢٠١١

زوجي الحبيب..

حين تصلك تلك الكلمات فأعلم أنني انتزعت من جسدي
آخر جزء من قيودك وحطمته.

اليوم أصرخ بك قائلة: أنا أنثى.

منذ أن التقينا، وقد شب حبك في قلبي وجسدي كنار
ترفض الحمود، أما أنت فقد جئت إليّ تقول: هل تتزوجيني؟

حين سمعت عرضك تفجرت السعادة داخل قلبي، وتغلغل
الحب أكثر وأكثر في سرايبي، ووافقت وتزوجتك، كم كان
إحساس رائع وأنا أتزوج ممن أحب لا لن أقول من أحب بل
من عشقت، كنت أقبل يديك عشقاً وليس ذلاً.. علمت كيف
أكون امرأة فقط من أجلك.

لا أعلم لماذا تزوجتني؟! هل لأنني كان يرغب بي كل من
حولك! أردت أن تمتلكني؟!!

بربك أحبيبي...

لطالما أغضضت طرفي عن قسوتك معي وخيانتك ورضيت
بأنك في نهاية المطاف تأتي لأحضاني أنا، لقد كانت روحي
تعود لجسدي بعودتك.

وأتييت يوماً لتقل لي سأتزوج من أخرى، ولكنك تريدني في
حياتك، لا أعلم كيف ارتضيت أن أصبح زوجة مهملة تأتيها
حين تشعر بالملل.

سيدي لقد ضقت ذرعاً بتلك الحياة؛ لقد أصبحت أحيا
نصف حياة لا امتلك منك إلا نصف رجل.

سأقول لك تلك المرة سيدي: لن أقبل أن أكون مُسكناً
لغرورك الرجولي بعد الآن.

فأنا لن أكون أبداً.. "نصف أنثى"

مع خالص احتقاري

زوجتك

تحت الطبع :

ليلة إختفاء الحاكم

الحاكم ..

خرج ولم يعد ..

ماذا حدث له ؟

كيف أختفى الحاكم ..

هل رفع إلى السماء حقاً ..

هل يعقل أن يولّه إنسان بهذا الشكل ..

دعونا نعلم من هو الحاكم ؟!

الحارس

نعم .. إنه الخوف الذي يملكني .. أشعر به حولي .. ألا
تشعرون به ؟!
إنه بالهواء يتحرك .. هل ترون كيف يتشكل بخار الهواء
حول ..
إلا تعلمون بوجوده دائماً ..
نعم إنه الحارس ألا تعرفونه ؟!

للتواصل مع الكاتبة

ayoya.oktob^^@yahoo.com

حساب الفيس بوك :

Aya Saad Eldeen Sayed

حساب تويتر :

Ayoya.lovely^^

الفهرس

٥	إهداء
٧	المقدمة
١١	اكتشاف جديد في عالم الآثار
١٥	الأشكاف المخيف
١٩	كان في مرة ثورة
٢٣	كتيبة الإعدام
٢٧	أنت لبرالي .. يبقى أنت كافر
٣١	كدبة أبريل
٣٥	صديقتي إيما
٣٩	قالوا عن الثورة
٤٥	دروشة الثورة
٤٩	القلب فيه سم قاتل

٥٣	إدبني عقلك وخده تاني
٥٧	ليك في الرعب؟!
٦١	إع لاميين
٦٥	ثورة اختفت وثورة تموت
٧٣	ناشر ديلفري
٧٩	السلف تلف والرد إرهاب
٨٣	الحرية كما يعتقدونها البعض
٨٧	البحث عن مدينة إيجار جديد
٩٣	يبقى أنت أكيد في مصر
٩٧	يعني إيه مصر الجديدة "مصر"
	بعد الثورة؟
١٠١	جنس ثالث
١٠٣	"قصاصات" أزمة شرف
١٠٩	الكاتبة في سطور

١١٠

صدر للكاتبه

١١٣

تحت الطبع

١١٥

للتواصل مع الكاتبة